



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

22. Dies Octobris. Discas non diligere, ut discas diligere. S. Augustinus
conc. 3. in Psal. 30.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Octob.

Tessera.

839

qui non est satus; ille laudabilior, qui sordidior, ille mihi gratior, qui sibi nequior. Dum audis talem vocem, adhuc geris illi morem? Quidni hic exclamem:

Heu stolidæ mentes! pereunt peritura sequentes.

22. DIES OCTOBRIS.

Discas non diligere, ut discas diligere. *S. Augustinus conc. 3. in Psal. 30.*

Mundi o I. **M**agna est ars verè bona non diu, est negligere, major meliora diligere, maxima optima diligere. Quidquid diligis præter unum, aut propter unum, malè à te diligitur. Hinc ut discas diligere Deum, prius discas non diligere, quæ non sunt Dei. Benè Fulgentius: (a) *Amor cum periculo sæpè concordat, & dum ad illud solum notat quod diligit, nunquam videt; quod expedit.* De disce igitur amare, quod amatum tibi non expedit, quia tibi amanti nocet, dum à salute impedit. Deinde disce ea non diligere, quæ possessa, erunt possidentium, vel ne pereant periculum, vel ut pereant exitium. Quia si diligis divitias, & eas possides, non tam possides tu divitias, quàm possidearis à divitiis. Idèò solerter monet Salvianus: (b) *Refugienda est ampla possessio, ne consequatur profunda perditio.* Diligis aliquid ut possideas, & ecce si possideas, jam periculum est ne pereas. Itaque si illa quæ non sunt Dei, amas, jam tibi pereundi periculum creas. Vide ergò cui impendas tuum amorem. Duo sunt, quorum alterutrū quem

Ggg 4

(a) *Mythol. 2.* (b) *Salvian. ad Eccles. l. 2.*

quem diligas, necesse est eligas; Deus, Mundus, duo sunt Domini, ut nemo duobus Dominis potest servire, sic nec diligere. Deus est Dominus: hunc ames, faciet te tui, & rerum omnium Dominum: mundum ames, faciet te suum, imò tui mancipium.

II. Utrique servierat, & suum amorem consecraverat D. Romualdus; sed quod fuerit inter utrumque discrimen, testari voluit ultimis suis verbis, ultimum exhalans spiritum; sic enim ipse, (a) *Vixi centum annis in Religione, viginti in mundo. O quam sunt illi breves, felices, jucundi! quam hi longi, miseri, importuni!* Quid opportunius ad inculcandum amorem Dei, odium mundi? cum Dei obsequium licet per centum annos illi impensum, ob jucunditatem sit quasi momentaneum, obsequii premium sit perpetuum. Audivisti verba morientis Monachi in humili asceterio, placet audire Pontificis, in sublimi fastigio? Paulus IV. summus Pontifex hanc auro dignam protulit sententiam, cum jam ageret animam, (b) *Octoginta quatuor anni vite mea, & quatuor anni papatus mei, & quatuor momenta videntur mihi equalia. O quam brevis est vita! quam longa aeternitas! & nemo cogitat.* Nunquid vel angustiae temporis deberent te dedocere amorem temporalium? Esto, fruire solus toto mundo, & omnibus quae sunt mundi, quid hoc est, cum tempus etiam ad plurima saecula propagatum, quo potes frui, sit instar puncti? Quod ubi effluxit, privaris mundo, & omnibus quae sunt mundi, & simul Deo, & omnibus quae sunt Dei.

(a) *In vita,* (b) *In vita.*

Dei. Unum mirabatur Philippus Nerius, quod homines animales, & qui non sapiunt, quæ sunt Dei, potius mirabuntur eum mirari. Audi & stupe: *Fieri ne potest, ut homo credens in Deum possit amare aliud quam Deum?* Philippe, qui videt in cælis Patrem, non miratur hanc tuam in terris vocem? Vis Philippe audire ex me vocem digniorem admiratione, imò dignissimam omnium contemplatione? Accipe. Fieri ne potest, ut homo credens in Deum, possit amare omnia alia præter Deum?

III. Quid homini est vilius, quàm quod est pretiosissimum, Deus? Quid illi pretiosius, quàm quod est vilissimum, mundus? O verè! nimis est vilis cui Deus viluit. Pluris æstimabimus rei cuiuscunque humillimæ lucrum, quàm, qui præ omni lucro est inæstimabilis, Deum. An non sumus maximè contemptibiles, qui sic maximi facimus contemptibilia? De hæc insaniâ, vel potius malitiâ, his verbis conqueritur magnus Augustinus. (a) *Dico breviter homini avaro, invocas Deum? Quare invocas Deum? Ut det tibi lucrum. Lucrum ergo invocas, non Deum, quia hoc lucrum quod concupiscis, non potes habere per servum tuum, non potes habere per colonum tuum, per clientem tuum, per satellitem tuum. Invocas Deum, ministrum lucri tui facis Deum. Viluit tibi Deus, Vis invocare Deum? Gratis invoca. Avare, an parum est tibi, si te impleat ipse Deus? Deus si ad te veniat, sine auro, & argento, non vis illum. Quid ergò de his, quæ fecit Deus, sufficit, cui Deus ipse non sufficit? O aliam mentem inhiibe; vilescat tibi totum, quidquid est præter Deum. Non potest ille vilescere; cui cætera*

Ggg 5

præter

(a) In Psal. 30.

præter ipsum sunt vilia. Disce ergò non diligere hæc vilia, futilia, inutilia, ut discas diligere Deum peribis si adhæres perituris. Res hæc est in confesso, attestante Poeta, hoc pronuntiato:

Illi vita perit, quisquis pereuntia querit.

23. DIES OCTOB.

Amarus est mundus, & diligitur. Puta si dulcis es, &

Qualiter amaretur. *S. Augustinus de temp. iii.*

Mūdi mi. I.
seriæ, Di-
vini amo-
ris sunt il-
lecebræ.

Pergimus persequi mundum, ut sequamur Deum; illius inculare odium, & omne ejus calcare choragium, ut præ omnibus æstimes mus Dei amorem, & honorem; Sic nobis sapienter instar nardi, illa sententia D. Bernardi. *Ea sequi desinas, quæ & assequi miserum est.* Dic mihi quisquis hæc legis. Cùm in mundo sis natus, in mundo vivas, in mundo sis educatus, cùm mundum ames, usque ad odium tui, mūdo servias usque ad sudorem vultus, mundum sequaris usque ad tœdium cordis, mundo credas usque ad cæcitatem mentis, quid aliud expectas post omnia tua obsequia à mundo, quàm mundana? Hoc est honoris umbras, gloriæ bullas, voluptatis quisquillas, porcorum siliquas; puerorum apinas, fabularum affanias, verbo, ipsissimam vanitatem vanitatum, hoc est, Nihil. Et necdum nihili facis, à quo nihil est quod expectes, præter Nihil? An solus carnem sine ossibus emere, nucis nucleum sine cortice edere, cum hoste sine periculo manum conferere, iter prolixum sine fatigatione conficere, mare sine metu naufragii transmittere cupis? eum fieri nequeat, quendam in mundo mor-